

MORWA

Wa Go Boela Gae



MAPULA MARTHA MALATJI

Diswantšho ka Jonanda Kannemeyer

MORWA WA GO BOELA GAE

© 2023 One Heart
Kgatišo ya pele 2023
E gatišitšwe Afrika Borwa
ISBN: 9781776476084

Puku e ka phatlalatšwa ntle le tefo, efela go kgahlanong le molao go e rekiša. Puku e humanwa go www.oneheartforkids.co.za.

Ka tumelelo ya bagatiši, puku e ka abelanwa ka go gatišwa, go fotokhophiwa goba ka mokgwa wa eletroniki. Puku ga se ya swanela go fetolwa ka mokgwa ofe goba ofe. Go kgopela tumelelo ya go gatiša puku o ka ikgokaganya le bagatiši.

One Heart
17 Pelikaan Street
Stellenbosch, 7600
South Africa
www.oneheartforkids.co.za

Mongwadi: Dr. Mapula Martha Malatji
Mothaladíswantšho: Jonanda Kannemeyer
Morulaganyi: Elizabeth Phala
Motlanyi: Imprint Publishing


Dikanegelo Tša Beibele
TESTAMENTE YA KGALE

MATEO 18 le LUKA 15

MORWA

Wa Go Boela Gae





Balekgetho le badiradibe ka moka ba be ba hlwa ba etla go Jesu gore ba mo kwe. Gomme Bafarisei le boramangwalo ba tsoša tshele. Jesu a re: Go kile gwa ba le monna yo a bego a na le barwa ba babedi. Morwa yo monyenyanane o ile a tla go tatagwe ka letšatši le lengwe gomme a re: “Tate, mphe kabelo ya ka ya bohwa bja ka bjale.” Tate o be a rata morwa wa gagwe gomme a dumela go mo fa kabelo ya gagwe.

Morwa yo monyenyanane o be a thabile ka go ba le tšhelete ya gagwe gomme a ya nageng ya kgole. Moo, o ile a diriša tšhelete ya gagwe ka moka go ipshina le go phela bophelo bjo bo hlagago le bja go se šetše. Go se go ye kae, tšhelete ya gagwe ka moka e be e fedile, gomme tlala e šiišago ya hlasela naga.



Lesogana le be le se na selo se se šetšego, ka fao le ile la tšea mošomo wa go hlokomela dikolobe. O be a swerwe ke tlala kudu mo a ilego a ba a nyaka go ja dijo tšeo dikolobe di bego di di ja, eupša ga go yo a mo fago selo.

Ka letšatši le lengwe, morwa yo monyenyanane o ile a lemoga gore o dirile phošo ye kgolo ka go tloga ntlong ya tatagwe gomme a fetša tšhelete ya gagwe ka moka. O ile a nagana, “Le bahlanka ba tate ba na le dijo tše di lekanego tša go ja, gomme mo ke bolawa ke tlala. Ke tla boela go tate gomme ka mmotša gore ke senyeditše legodimo le yena. Ga ke sa swanelwa ke go bitšwa morwa wa gagwe. Mohlomongwe o tla ntumelela go šoma bjalo ka yo mongwe wa bahlanka ba gagwe.”

Ka fao, o ile a tšea leeto le letelele la go boela ntlong ya tatagwe. Ge a sa le kgole, tatagwe o ile a mmona a etla. Pelo ya tatagwe e be e tletše kwelobohloko le lerato, gomme a kitimela go morwa wa gagwe, a mo gokarela ka thata, gomme a mo atla. Morwa a makala, a re: "Tate, ke senyeditse legodimo le wena. Ga ke sa swanelwa ke go bitšwa morwa wa gago."



Eupša tatagwe o be a thabile kudu. O ile a bitša bahlanka ba gagwe gore ba tlišetše morwa wa gagwe kobo ye kaone, palamonwana le dieta. Gape o ile a laela monyanya o mogolo a re, “Gobane morwa wa ka yo o bego a hwile gomme o a phela gape, o timetše gomme o hweditšwe.” Ka fao, ba ile ba thoma go keteka.



Eupša morwa yo mogolo, yo a bego a dutše le tatagwe gomme a šoma ka potego, o ile a kwa ka monyanya wo. O ile a galefa gomme a gana go tsenela monyanya. A botša tatagwe: “Mengwageng ye mentši ke go hlanketše, gomme ga se ka ka se kwe taelo ya gago, le ge go le bjalo ga se wa ka wa mpha pudi, gore ke tle ke keteke le bagwera ba ka. Eupša ge morwa wa gago yo a etla, yo a dirišitšego tšhelete ya gago a phela ka go se šetše, o mmolaela namane e nonnego!”

Eupša tatagwe a re go yena: “Morwa, o dula o na le nna, gomme tšohle tšeo e lego tša ka ke tša gago. Go be go swanetše go keteka le go thaba , ka gobane yo ngwaneno o be a hwile, gomme o a phela, o timetše, gomme o a hwetšwa.”





Thapelo

Re a leboga Tate, le ge re dira diphošo ebile re di kwela bohloko ka nnete, O tla dula o re swarela wa re bušetša pelong ya gago.

Dipotšišo

1. Ke eng se se bego se dira gore Bafarisei le barutiši ba molao ba hloye Jesu?
2. Naa ke swanelo go kgopela tatago gore a go fe lehumo o sa le ye monyenyanane? Ke ka lebaka la eng o bolela seo?
3. Naa o ka dira eng ge o ka itemogela tlala ye kgolo?
4. Bolela mantšu ao morwa wa lehlaswa a bego a ikemišeditše go a botša tatagwe ge a fihla gae.
5. Seswantšho seo Jesu a se boletšego se go ruta eng?

Phehli le leobu

Makgaledisha e be e le monna wa go šoma kudu. Yena le mosadi wa gagwe e be e le babjadi ba mehlare. Ba be ba na le mehlare ye megolo ya dikenywa le ya matšoba a mebalabala a go nkgā bose. Banyadi le banyadiwa ba be ba rata go tla go itšea diswantšho gona. O be a ba lefiša.

Phehli, morwa wa bona yena o be a sa bone go le bohlokwa go ka thušathuša. O be a bona e le go senya nako ka go bjala le go nošetša mehlare le matšoba a go se kgone go bolela.

Tšatšing le lengwe Phehli a ipha nako ya go sepelasela tšhemong, a bona leobu le apere gabotse ka mebalabala. Leobu le be le sa ye pele goba morago ka gore ke tlwaelo ya lona go nanya.

Ke moo Phehli a ilego a tlelwa ke kgopolo ya gore tatagwe o humile, a ka dio mo kgopela tšhalete ya go reka diaparo tša go swana le tša leobu. Tatagwe a mo fa le ya go fetišiša gore a se sa tla go kgopela gape.



Bjale Phehli šo, o tladitše dikanapa go feta dithaka tša gagwe, a ikela boratapelo ka boithabišo. Bagwera ba be ba mmitša *Ngamola* ka gore le sefatanaga o se rekile. Ge a sa bowe gae, Makgaledisha a kwa bohloko eupša a iswarelela ka la gore se sa feleng se a hlola.

Makgaledisha a ipotša a re: Koloji yona ke ya mebala ye mebotse ya leobu le nna ke a bona. Ke koloji ya go ka šia leobu ka lebelo. Fela nna ke ikgethela go swana le leobu ka se fihle gae.

Ge a le tseleng ka letšatši le lengwe, a pšhatla ntlo ya mongwe ka koloji. Ke moo a ilego a gopola go boela gae go tatagwe yo a bego a sa mo raka. A hwetša kamogelo ya monyanya. Tatagwe a lefela melato ka moka ye Phehli a e obilego.



Thapelo

Tatawešo wa magodimong, re a go leboga ka go re goketša ka lerato la gago. Re thuše go rapela ka khutšo le ka kholofelo. Amen.

Dipotšišo

1. Leobu le ja eng?
2. Naa kotsi ya koloi e lokile? Hlaloša.
3. Naa o tšwafa go swana le Phehli? Goreng o re bjalo?
4. O fapana bjang le leobu?
5. Re ka hlokomela bjang mehlare le matšoba?

Sešego sa mantšu

Ngamola = mohumi


Monyanya = mokete

Itlhaganeleng = phakišang

Timela = nyamela

Tshele = ngongorego


Morwa Wa Go Boela Gae ke ye nngwe ya dipuku tše 20 tše di bontšhago dikanegelo tše 10 tša Testamente ya kgale le tše 10 tša Testamente ye ntlhwa, moo ye nngwe le ye nngwe ya tšona e nago le ditiragalelo-maphelong, di ithekile ka tša Beibele.



Puku_1



Puku_2



Puku_3



Puku_4



Puku_5




Puku_6



Puku_7




Puku_8



Puku_9



Puku_10




Puku_11



Puku_12




Puku_13



Puku_14




Puku_15



Puku_16




Puku_17



Puku_18



Puku_19



Puku_20

Morwa wa go boela gae

Kanegelong ye Jesu o re ruta gore Modimo o a re rata. O nyaka gore re boele go Yena le ge re dirile tšhe mpe. Modimo o a swarela fela o rata ge re ikokobetša.

Phehli le leobu

Kanegelo ye e bolela ka batswadi bao ba nago le lerato ebile ba šoma ka thata, eupša morwa wa bona Phehli o be a tšwafa. Ka morago ga go tutuetšwa ke leobu la mebalabala, a thoma go rata tšhelete. Ke moka a kgopela batswadi tšhelete gomme a reka koloi yeo e ilego ya thula ntlo ya motho yo mongwe. A boela go batswadi bao ba ilego ba mo thuša go lefa tshenyoka moka.



9781776476084

Sepedi